



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҢАДИБЕРҢА

СИ" ИВ ЯЛЯХАНА ҢОПОЙ" СЕРТАБИВА"

Мэбета вадава" ила' панан' етри' мэква"!

НЯРЪЯНА НЭРМ



№ 3 (5277)
2026 по'
январь иры'
17 яля
СУББОТА

Российская Федерация Ямало-Ненецкий автономный округ



Сидяңг: t.me/YANAO_official няд ханавы

Теневана няхата
тэворҕась

2

Ңэрм' тер" илам' савумдава' вато

Ты" ниць ирыхына Россия яна" җэвахы" җудондана" Ңэрм тер" нерняҗы илам' савумдава' няю' ненадо падарм' падаць. Тикы я' мидыхыд харто' яха"нато' илена" ненэцие" ед' сертавы Концепциям' 2036 по' ёльцянд' нёдаңгува".

Тандаярка' хахаяда няхар" по" ямбан' җэванда" серо пидте"мяханато' мэйравыдонзь. Сямянхат таранаҗэ толёда" – экономической, социальной серо нерня' тидхалембава, иле мэта" ё тарулава, невхы ила' саирм' мэ"ма, ты пэрма, ёрма, ханева.

Ңокханда илма" савумдава' няю' падарт' юркад вата манзаи падвы". Неноховавна таранаҗэ иле ёна" лэтрамбавам' таславы". Тарем' хусувэй по' яна" сяр' ний хабто җэвам' манэ"сарта". Тикы' хавна җэрм' терхат вадам'

минренаҗэ тэравы" нина" я' индадм', я' юрм' нэкалпади" тасалковахана мэңгу". Едэй яхана манзара таслабто', җэрм' терхат хонаркода". Ты" хадырьц я", халям' хадабади" ёлова' я", хэбидя", тамна җани" илна" саирм' нёда сертавы" ненадорка я" – мал' лэтрамба таславы".

Сава няд"маңэ ненэцие" сертавы" җамгэри, җамзи, халэ мирдапавам' падвы". Тодо" Ңэрм' ё" җэвахана мэна" ерв" яндо' тер" мирдапади" җавори хуркари" выставкаха"на, ярмаркаха"на манэ"лабтамбаңгудо'. Вадав-нандо', тарем' тэмдортидо' җокворта" – җэрм' тер" иландо'



няю' мэ"манда есядамдо' нед-вопа пирта".

Тикы' хавна Ңэрм' ня' җани яхат турта" ненэцие" е"эмня яңга мядонзь ядамдо' сер-

таңгу". Ты пэрти" җэсы"мана, ёрти" таҗоця"мана җэдалёрта" җобтики таяңгу". Серодо' мале җахакуд таславы" җэңгу". Мядонда" ненэцие мядо-лабтамбаван' харвана" тикым' манзаяҗэ мэтадо', таянд есядамдо' хомбаңгу".

Сававна, таңга илева' е"эмня ненэцие" илесь хардахана юне намдорць мэта интернетм', связьм' савумдамбаңгу".

Тохолкова' нямна сертаванда" манзая":

– җэрм' тер" вадавна җэда" толаңгобць' падыбава, школаха" җэдабтамбава,

– едэй мутры няд"мяць җэрм' тер" вади лэтрамбава.

Ңэрм тер" ила' саирм' лэтрамба сертавандидо':

– хэбидя я, ила' саирм', невхы сё, лаханакко лэтрава, теневана, мэ"ма,

– җэрм' тер" вадавна лаханана", паднана", хынота", лаханакко мэта" ненэцие тью"у' тидхалембава, җэрм' тер" вади, ила' саирм' тохоламбада' учёной нядабава.

Галина Окотэтто' падвы

Сё" несэйвана со"



Теда' январь' иры' 1 яляхад март иры' 1 яля' җэсонд' ненэця" җани' видео сертаби".

3 стр. җа

Газетамдо' толабидо'



Нюртей падвэдо' 2000 похона лимб' иры' матдомдэй яляхана җадимьясь.

4 стр. җа

Ңуп вив мэ'ш мансланны"



Пюд дяханана җайта ассоциациҗ «Ямал-потомкам!» мансдям минлена председателҗэ Андрей Пяк тэдаңаш".

6 стр. җа

Сидяңг: Марина Яр' тадтавы"

Сидяңг: vk.com/yomeniyma няд ханавы

Сидяңг: Галина Севли' тадтавы

Татма: Лариса Айваседо тадтамы



Теневана няхата тэворңась

Округна” нэвахы ерв нылынава’ яляхана теневана нита мядо”мана нэдалёрңась. Та’ 2023 похона Пэ” тэл”мана мюсерта” мяд’ терха” тэворңась. Вэненго мяд’ тер” Пэ” тэлхана сава юндо’ пили” со.

Ервава” нюртей яңорэй’ мяк” ни тэвор”. Тюку нида мале тания куй похона торомдэйдась. Теда’ тамна саць ненадо сер” сидта тания’ тэврась. Дмитрий Андреевич Артюхов илебей Вэненга’ мяд’ терха’ ея’ мяд капиталм’ ми”ңась. Округна” тиңгывна тарця 400-ңэ толы.

Несха’, Дмитрий, Дарья Вэненго сидя нюди’. Небяюти’-нисяюти’ мякана илеңаха’. Пыдо’ мал’ Пэ” нямна мюсерңа”. Харе” тыдо’ пэрңа”. Тарця” есь ня”ам”махаданди’ мятамди’ мяраңгуху’, харти’ иламди’ пяңгуху’. Ервава” е”эмнанди’ сава вади хэтась:



Сидяңг: tme/YANAO. official изд ханавы”

– Ямалва” сояңгана жацекы” нямна ңани” ё” тер” поңгана нерняна ңа. Мюсерта” ненэця” сяхари’ нюдо’ ңока нэсеты, теда’ ңод” тарця. Ңока хибя” невхы” иринато’ ила’ саирм’ нёда”, тикы ихиня саць пои.

Тарем’ пыдо’ харе” тэнзамдо’ ңокамдамби”.

Ея’ мяд’ капиталм’ 2021 похона округна” нэвахы ерв’ ватовна ңадимдедонзь. Миртя - самляңг юр” ёнар” еся. Тикандо’ терңэ ңу”, ея”, хор”, хан” тара”.

Мядоңась

Хардахана иленаңулуца’ падаркана едэй пом’ пя”махадана” юд’ мян’ нылынава’ ялэ мэцетыва”. Та’ ёльцяңгана ханяримна нэдалёрцетыва”. Мале ңахакуд ядэръина” тасламбасетына”.

Мале нябимдей по’ Тазовской район’ нэвахана мэна Виктор Климентьевич Югай ныланава’ яляха”на ты пэрти-та мяк” нэдалёрңа. Тюку по’ Ядне’ мяд’ терха” тэворңась. Нэдала”махадандо’ нюрте”э’ Максим Николаевич’ мят’ нултавэдо’. Пыдо’ харто’ тыдо’ пэртя” ненэця”. Пуна нисяңдо’ Николай Хильчевич’ мят’ нултавэдо’. Пыди’ пухуцянда Мячику Енявна’ ня самляңг



Сидяңг: Марина Яр’ тадтавы

хасава нюм’, тет не нюмди’ вадавэханьз. Теда’ нюти” ню” сидти’ майбтамби”.

Николай Хильчевич ты пэрти” поңгана юнета ненэць”. Ңаркамбой ненэця’ нэбата ңод” хусувэй по’ сянакова’ яляхана пирдырңа. Тарем’ ңод” нерня”

ха”морңа. Хасава нюхуюда сидя ёнар” тыди’ вадабихи”.

Виктор Климентьевич’ вадавна тарем’ мюсерта” ненэця”мана нэдалёрма сёнзя’ мюйм’ сибдамби. Хой’ тер лаханако ня”махаданда минрена манзаяханда несэйвана сырңа.

Ңани яхана толаңгудо’

Ненэй ненэця’ няна”, Анна Павловна Неркаги’ падвы няби я’ панхана толаңгудо’. Тедари’ ненэй ненэцяңуэ поңганана” ңоб” ненадо паднанава”. Тикы нява” тэнзана” нямна нэда юнм’ я’ сяр’ нимня минреда.

Анна Павловна’ падвы «Белый ягель»м’ ңани яха”на ваде”ңадо’. Лондон’ няна книгамда ңадимдеңгу”. Россияна” книга ңадимдембада Ассоциацияхана манзарани” вадавна, тикы манзаям’ по’ ямбан’ минревэдо’. Луца’ вадахад ңани” пареңода” вади тэволавы не ңэрм’ тер” илам’ техэ паңгханда хамедаванда е”эмня Анна Павловнан’ нэдалёрмысь. Танияна ханзер” илевава” торомдамбавы.

Книгамдо’ сие ниць ирыхына СШАхана ңадиманзъ ваде”ңадо’. Пуна Канада’ няю’ ядэлаңгудо’. Тикы’ нерцюна Анна Павловна’ падвы Испанияхана, Германияхана, Италияхана ңадимдембидонзь. Нобелевской премиян’ нерня’ пэрңадонзь. Падвэвнанда тамна кином’ сертабиць.

Пыдара” ңод”, ненэй ненэцяңуэ, нянда” падвы ңани’ толабида”. Тикыда” маня” ңэрм’ терңэ илна” нямна ңа”.



Сидяңг: Сергей Зубков’ тадтавы

ОБЪЯВЛЕНИЕ

СВОИХ НЕ БРОСАЕМ
ВСТУПАЙ В РЯДЫ РОССИЙСКОЙ АРМИИ

6 700 000 руб. **4 000 000 руб.**

ПОЛНАЯ ИНФОРМАЦИЯ ПО ТЕЛЕФОНУ
8(902)816-11-90
8(34922)3-98-08
ЗВОНОК ПО РОССИИ БЕСПЛАТНО

МИНИСТЕРСТВО ОБОРОНЫ
РОССИЙСКОЙ ФЕДЕРАЦИИ

contract189.ru



Ямалхана СВО’ няна сайнорта” ненэцие”, мято’ тер” е”эмня ңадимдевы” няд”ма”

Пэхэрэй тэваби”

Небо’ районана” тиңгы явна сяңок пэхэрэй тэвравамдо’ тасламбиць. Ңокханда юкад вата самляңг кубометрм’ тэвравы”. Хусувэй по’ пя” хаелава’ ёдо’ етри’ ңокворңа”.

Тарем’ округханана” ңонерто’ нэбць’ я” мат” пирувна ңокмыць. Ямальской районхана Нямо то’, Яхадыхорта-яха’ няна хаебидо’. Ңокханда Ямална” тиңгывна 68 яхана пэхэрэй” мэлва’ я” тания”. Тикыдо’ ненэцие” мюсьлава” ниня ңа”. Пэхэрэй” тэврамбавам’ районха”на ңэрм’ тер” серо тидхалембада” управлений” манзарана” минрейдо’. Ямаль-

ской районхана тикы’ нямна Майма Салиндер тарем’ лахана:

– Тарабата мале таславы ненэцяңг” хахаярка мято’ хэван’ хаебина”. Районханана” 1300 мяд’ тер” тэхэнато’ мюсерңа”, хусувэ-хэндо’ мято’ ядан’ хаеба нина” пирас”, ңадьбята мюсьлава” недармито’ ниня таславы” ёна” тания”.

Тарем’ тэврамбада” пэхэрэйто’ сямбир” нэва таславы. Тикы” хо”, тыдэ”, харв”, е” нэбато’ тара”. Латдадо’ - 0,2 м, ямбдадо’-4-6 метр нэсь пирңадо’.

Тарця няд”мяць ненэциена” таңга тикы мэтыдо’. Хардахат ңыхы яхана илеб” пя” саць тара.

Марина Яр’ падвы”

Сё" несэйвана со"



Мале сян по' тяхана «Поющие голоса» насъ. Теда' январь' иры' 1 яляхад март иры' 1 яля' нэсонд' ненэця" нани' видео сертаби". Ненэй ненэця", хаби", тасу' хаби", нысма", мал' конкурсхана мэ".

Сёетэй" ненэця" тюку конкурс' ёльце нэтевэдонзъ. «Сё мэта сей» терм' Саттане Нокэйм' хонрамбидамзъ. Пыда Хальмер" Седе"э' хардахана иле. Харта соя"ма' яда – Сёяха. Хуркари ненэй сё, иринда сё мэцеты. Теда' нани' хыно"манзъ мэ.

«Поющие голоса»' нямна Саттане тарця вади мэ"насъ: – Харе" вадан' сё тидхалембава'

конкурс 2019 похона нэдимясь. Тамальнгана Тюмень мар-кана тохолкудамзъ. Маня" «молодежка»' тернэ нобт' ма"лываць. Баста' сём' ненэй вадан' нэрханда падаваць. Хусувэй я' тер харта вадавнанда вадида сертабидась. Пуна нобт' тасламбиваць: нэмгэ вада хан-зерарка сомбоковна хэтаб" сава нэбтав". Видеори сертавдавей' хайсь. Тикахад Едэй по' някуна ханяңы" нина" мякато' хаяць.

2020 похона конкурс нани' танясь. Тет вадавна сертаба пядонзъ. Тамальнгана ма"нидам": «Тедахав' нивандархав пирас", хуркари нэе". Сёкоцяхавахаяуни' таняңаханзъ, сидя сём' серта-

дамзъ. Теда' тикы сёхоюни' мэ"ман' нихион харва". Нанисэй сём' пада тасладамзъ.

Тикы пуд ими ядэрнась, нани похона таняңгува. Нани по-хона нэмгэхэрт яңгусъ. Небо' нани' мадамзъ: «Самляңг по' хэ"мяхавахад нинякы нэдимд"?» Самляңг по хая – нэдимя.

Тедахав' мань маймбидм'. Тюку конкурсм' мале нэка ненэця' нэтевэда нэваннэгабя. Ненэй вадавна сертавы" сё" мале нэка нэңгу". Си"ив яна" тер", ха-хаяда ё" тер" мал' ма"лэда".

Сава юнм' намдвани сер' ими таминда ядэлыць. Анна Асти' сём' ненэй вадан' падван' харвадм'. «Номы» сё нани' сава. Сё мэта Тадебя' «Сэр" мерцяда» таня. Тикым' падаб", нани' сава.

Саць тоенанада харе" вадан' луца' сём' тидхалембава. Ханяңы" вада" маня" вадавнана" хэтнана" ни" нэ".

Нэмгэ серта тара? Нерня луца' вадавна, тамна нани' нэмгэхэв вадавна нэда сём' ненэй вадан' падаңгун, тидхаленгун. Тикы сёмд видеон' падхая мэтар. Пуна харт «ВКонтакте» страницах-нанд нэдимденгун (страницамд нэсь нён юр"). Тикахад #поющи-еголоса2026 хештегм' нэбтаңгун. Хонраван' харвананд таняб", конкурсм' минренаха" падан".

Анна Яптик' падвы

Сянда" хэбидя" я"

Мале танякуй похона нэрм' тер" хэбидя" я" пидиця" нивандо' тэймандо' е"эмня нэпой падарт' падыдонзъ. Таняна нэда" тэйпа нидо' нэдарамбю". Сянда яңэ толы". Ненэй ненэця" хэбидя ёдо' нани' таняна пады".

Тарем' манзарана" учёной" сяңок по' ненэця" таня' ядэрмам', хибя хэхэ" яңэ толёвамдо' тасламби". Хахаяда яля' Тасу' яв' няд юнм' намдаваць. Таняна небо' учёной" манзаравы". Пыдо' тет хэбидя ям' («Сядэ хэхэ' я», «Тадебя хэхэ' я», «Ты' нэва седа», «Няхар" Нэвте"э») сяндаңэ нивыдо' тасла". Ма"ним", тарця серо нэрка яна" закон" саирм' нюракуць минрейдо'. Теда' тикы" хэбидя" я" сяңок пондо' нэвам', хибя" мяд' тер", еркар" ненадо яңэ толёвамдо' тасла я"амвы". Нэдыбята неры ваде"мы" ёна" сянда яңэ нивыдо' пад".

Тарця нэвэ тасла я"амвандо' пуд тад нерня' ненадо яхато' ненэця" тарем' нод" ядэрць пиртадо'. Я' тебтм' нэкалпада" сехэрэн' нёховабто' ерев", хэбидя" ёдо' тамна илева сенаси" яханато' нэңгу". Нэпой, теда' не-нэй ненэцяңэ хэбидя" ёдо' харто' лэтрамбабато' тара.

Тарем' мале танякуй похона Ямальской районхана ненэй ненэця" хэбидя ямдо' харто' мюмдедонзъ. «Я' мал' хэхэ» ненэй ненэцие" поңгана сямян-хат нэрка хэбидя яңэ таславы. Нэданда нэрка «Сэр" нэ». «Я' мал' хэхэ» ям' няюна нэ. Таняна ты пэртя" хэбидя яндо' си"ив мя" нямдо харто' ма"лэйдонзъ. Ханондаць. Тарабата сяхари' мюсерта" ненэця" хэнумдор-манзъ тэворць пиртадо'.

Хэбидя" я" илева' ямбан' ненэй ненэцяңгана сянда" ненадо" яңэ толы". Хэ"ли' таня' ни" ядэр". Тарця серо" хара нани' тенева тара". Сянда падаркана нэбато', нибато' ненэй ненэця" тенхана нэ".

Марина Ярой' падвы



Сидяңг: Марина Ярой' тадтавы

Едэй кином' манэ"тава"

Пудана по" нэрм' тер" ила' нямна хуркари" кино сертаби". Илма" ехэрана ненэцяңгана мэкад' то"олха. Тадно" нани' тэнз" илма" манэсо"махадандо' няна" несэйвана сырңа". Илма" сававна торомдамби".

Ханяңы" кино нэрм' тер" харто' сертабидо'. Тикахана иландо' саирм' техэ паңгахадандо' манэ"лабтамбидо'. Сяни" яңорэй' нэмгэхэртадо' пайнэ ни ханас". Пыхыдана" сававна кинохона тумдыбина".

Тандаярка' кино сертабади" нямна нани' ноб" сава юнм' намдаваць. Мале танякуй похона «Мяд' паңг» нэубетам' тадтамба пэць. Тикамдо' техэ яханда нидонзъ тэвра", есьдо' сусавыць. Теда' ма"ним", Президентской грант' есь няд"мяць киномдо' сертаба ёльценгудо'.

Выңгана илена" илебей" ненэцие" иле"мям' падыби". Нэвахана мэнадо' Галина Ачембоевна Матарас, пыда «Минлей» организация' нермбэртя. Режиссердандо' Владимир Тумаев тара. «Белый ягель» кином' тадтамбаванда нямна теневава". Кинохона ненэй ненэця" сянаку". Пыдо' таславы тохолковам' мэ"эмдавей". Ямальской районхы Юрибей яха' няна илена" ненэцие тадтамбавы". Тикы' нямна Галина Ачембоевна тарця вадам' мэ"насъ:

– Ненэй ненэцие" илам' мюданда манэ"-лабтамбива". Ненэця" харто' иламдо' мэ"на". Маямби", тэдорңа", нэворңа", лахарёдо' мэ"на"... Сяхари' хэвняд турта" хибяри" илма" манэ"лабтамбабато' илма" яңгамдамбидо', пайнэ



Сидяңг: Марина Ярой' тадтавы

сертабидо', ихиня тарця вэва. Тюку кинохонана" маня" ненэй ненэцяңэ харе" илма" техэ паңгахаданда манэ"лабтамбива".

Киномдо' тюку по' нара' няна манэ"лабтаңгудо'. Маня" ненэй ненэцяңэ нули" нэтенава".

Марина Яр' падвы

Газетамдо, толабидо,

Маня" редакцияна" ноб" хэв-сахана җа". Нобкана җопой манзаям' минрева". Пыдо, харто, хаби вадавнандо, падна", газетандо, нюм' – «Лух Авт». Хахаяда яля, җарка соя"ма, ялямдо, ядабтамбиць. Газетандо, сидя ю" самбляңг поданда хаясь.

Җарка пэвдей иры 2000 похона тамальңгы округна" Нэвахы ерв хаби" газетамдо, сертавандо, е"эмня падарт, пидте"мямда җабтась. Лимбя, ирыхына нердена газетандо, җадимьясь. Хусувэй си"ивхана хаби" харто, вадавнандо, толаңго пйдаць. Тикы, нерцюна маня" «Няръя-

Сидяңг: Сергей Зубков тагтавы



Сидяңг: Вера Лонгорова тагтавы



Сидяңг: Андрей Ткачев тагтавы

на Җэрм» газетана" мюд җоб" лабцадо, җадиберҗась. Ханзер" газетам, сертаба таравамда нядна" тухуць. Маня" нюрте"э табедамбинаць. Теда, пыдо, мале тас паднанаңэ хая". Ю" по' ямбан Геннадий Павлович Кельчин редактордандо тарась. Газетанда нямна тарем, лахана:

– Нюртегазетава" лимбя иры матдомдэй яляхана җадимьясь. Тамальңгана җопойңэ тада по' вэс паднадамзь. Сидяңгидми Хабэча Хываревиц Яунгад тамбсеты. Җамгэ, пиркана Шурышкарской районхад Мужа хардахад Николай Никитич Нахрачэвм паднанаңэ ня"мадамзь. Пыда хаби вада, хавна, луца вадавна падна җани, пир"җадаць. Тикы, хавна хуркари" лаханако, невхы" иле"ми, сё теневась. Җадьбяна" нянана" манзара-

вада җарка ябась. Җоб" по' манзара"махадани ненэцяндами ма"ладамзь. Самбляңгҗэ хаяваць. Җавнана" газетава" вадава" мэ"мана" е"эмня сертаваць. «ЛУХ АВТ»м, толабада" хибяри ямдо, сянзъ, невхы иламдо, нёда, харе" тэнзамдо, паңгодо теневавандо, няю табедамбина". Сидя ю" пова" понхарт ни хань". Теда, газетан, паднана җока. Ненэциена" падвыдо, харто, тэврамбидо. Валентина Лонгорова, Юлия Накова, Нина Максарева, Надежда Лонгорова, Владимир Енов, Евдокия Серасхова, тикы ненэця" нюбе хаби" сававна теневадо. Падвы" стихотворенийдо, иле"мидо, газетаханана" җадиберҗа.

Яна"тер"хаби"газетамдо, сававна теневадо. Хуркари" нюдяко" хардахана, таңоцяңга"на, ты пэртя" җэсыхы"на газетамдо, харвобтадо. Җадьбято, «ЛУХ АВТ»м, етри, толабидо. Тарця сава иңуд Евгений Ильич Ямрун

товысь. Җавна тикы серта тарем тензебтембидась:

– Округханана" тодо" тэнз" җэрм, тер" иле". Җокадо, ненэй ненэця", хаби". Ненэй ненэця" нина" газетандо, тая, хабиңэ яңгу. Җадьбяни та, мальңгана Геннадий Павловичм, хонрадамзь. Пыда нюрте"э, нисъ харварка", таятась. Хабиңэ тасалкур"махадана" пуңя, нисъ җа". Мань та, мальңгана Дума, депутатдамзь, җадьбяна" закон" саир"мана сертаванда" падар" няни, ха"мыдаць. Пон, нинась хамедамбю". Җарка пэвдей иры 2000 похона округна" ерв Юрий Васильевич

Неёлов падаркана пидте"мямда җабтадась. Ватом, җадарась. Тикы, тальняю, газетава" җадибелыць. Теда, газетаханана" ненэциедо, нёйдо, ё"пю". Сидта" толабада" ня җобкана паднада". Вадам, лэтрамбава - җули" тоенана сер". Ненэця" харе" вадамдо, мэп"нандо, – тэнзадо, тая. Пыдара", газетахана паднанаңэ, вадам, минреванда" хавна, хаби" тэнзм, лэтрамбадаңэ тарада". Тикы сехэрэра" пили" нёдара".

Теда, газетамдо, Аллина Кирилловна Яковлева ня"амбида. Пыда манзаямда техэ паңгахаданда теневада. Тарем, ма"нисяв: «Маня" җэрм, тер" вадавна паднанаңэ саць җарка манзаям, минрева". Пявы сехэрэвнана" илебей ненэця" ядаңгу", җадьбяна" маня" етри, варева" мэ"пана" тара».

Газетандо, тэнзамдо, нерня, пэрҗа. Харе" вадавнандо, паднана" харе" пыхыдат, ед, ни" манзара", пыдо, иландо, саирм, лэтрамбава, няю, җарка таром, ха"аврамби". Тад нерня, вададо, пили" хайная.

Марина Яр, падвы

Җахакуд хамекурҗа"


Яля, падаркана едэй пом, мэ"җава". Лимбя, ирыхына ялэна" ямбума". Ямал, тер" мале җахакуд Ты пэрти" яляха" хамекурць пэяд". Мел, не" пудана" сэдъидо, манзаяңа". Няваталаңго җэдалёрманда" хасава" ханодо, мэ"манда" тыдо, тасламби". Неноховавна сидна майбтамбуванда" сёётэй нина" варемдо, мэ"җа".

Яр-Саляхана тодо" яхат товы" ненэцяңг" спектакльм, сертавы". Невхы" ярабц", сюдбабц" сер, тарабцохонато, иринато, илам, җадимдеңгу". Тарем, Ямалской район, тер" «Легенды семи ветров» проектм, минре". 65-й яңорэй, җэванда Ты пэрти" яляхана манэ"лабтаңгудо".

Мел, нидо, харто, сэдвы" манзаидо, выставка, терҗэ ма"лавы". Тикы серто, «Руками мастеров-наставников» нюбе"җа. Нойхад сэдвы" паныдо, со"окдо, җули" паской". Җодяхокот паңгалмы" ни" иня", паны" мадавы" яля, сэвхад тамна ябере", мал, юнета" мел, ненэця" сертавы".

Сырманзъ товы" хардандо, тер" тэри серципой" нивы" ядэр". Мел, не" сиддо, сэдора, паңгалторць тохоламбавы". Җацекы" невхы" иринато, сянакубц тензебтембавы".

Галина Окоэтто, падвы



Интернет, мутравна сидна" хось пирҗада", тюкон, тудя".



Мал тэңга

(Нердена пеляда
2 номеркана џа)

Недя џоб" тарем' џани' тарця,
пыда тю"у' няю' сядоць џамды,
џамгэхэрт џамяда яңгу.

Мал тэңга ненэцие" понд'
тэввамда ёхоборта не хамеда-
да. Пыда мале тикы' нерцюна
тарць" таниявахат намдсятавы.
Џопой мал тэңга" ненэй ненэцие"
сэвха" нивы" еревор". Пыдо' сабе
ненэцие" понд' нивы" сацьту",
хэвнямна мюсярмы". Џобтарем'
ханесятвы", тэсавэй џэсетавы".
Ёховы не сейда хаця хая, џамзам'
ня"ма, џораць пэй". Џамзада
џули" џамнялавы. Сомбовна
џолы". Тад тикахад мяд' терха'
ня' тарем' вахалъй":

– Мань синёхона поёрма-
ни сер' юхудамзь, ехэрана ё"
няю' сянхана тэввэдм'. Хуняна
няданда" хант нидам', тюкона
џавэ пэрманадм'.

Тарем' џорманда сер' сырпата,
мяд' ерв ненэцяңг' џамзиди' ниди'
тавабю", ниди' нихымбю". Пыди'
тэри тикыди' тинарпи́ди', пуна
сея' няю', ту' хэван' моёпиди'.
Ёхоборта не тарцям' манэтаханда
тэри пысэй". Пыдхавада џули"
савовна џорџа, џамза џули"
џамнелы.

Џоро"махадандо' нята няхаю-
да хобам' ми"џаха', пыда тикы'
ни' юсибтэй". Мяд' ерв - мал
тэңгаха' хобахат сэдвы есяр'
мю' пакалъяха'. Тиканди' мюня

џули" пысьмонди', ныдармонди'.
Тарць" ямбхана инзелеб-
та няхаюда пилипон' няхати'
сабцьравононди'. Хасаваюм' ся-
хана лакри' тарем' төревонда:

– Сабцяр теда' џамгэ етри' вэня'
ха"морџа! Тарем' џэхэвабни' сяня
џобт' ма"лаңгуни', сяна џамгэңэ
ханда"! Сабцяр мань сабцяни
ерт' сомбовна ха"морџа.

Тарць вади намдорць ненэй не
тэри пысэй". Индя џыламна тас-
ла я"мада, џамгэ няхаюда етри'
няхати' сабцьраџаха'. Џамгэ'
ёльцьгана малџэ хонарэйд".
Хубтахана юркыд". Мяд'
ерв ненэцяңг' нянда тарем'
лаханаџаха':

– Пыдархарвабат мани' товани'
ёльцяңд' тюкона мякнани' мэин".
Џопой, ябткоккон, есярм' нён
нэмбю", есяр' мю' нён тюңг".
Таня' тюңгавы џэвамд мани'
минхани' таслаңгуми', сит ти-
кавахад минхани' хадаңгуни'.
Вадини' сомбовна ибесан".

Тикы вадити' пуд мал тэңга
ненэцяңг' тэри ян' хаяха'. Няхаю-
та хэ"мяд ненэй не мяд' мюйм'
лабкабта, идм' тэвра, пядамдо'
пэ"џа. Лат лабкабтамбаванда сер'
лакри' няхаюта моё"мы" џамзи"
ютер ня"ма. Тад тинаръяда,
џамгэ џэса! Тикыт џабт сензито'
яңгу, та' пирувна џабте"џа". Не
тикы џабтхат сянхана хаця тод".
Џабтета џамзи тэри лабкахана
ту' хэван' навольяда. Тикы' пуд
лакри' есер' мюйм' манэ"ман'

харбилы". Ихинянда ма, џамгэ
мал тэңгаха' есер' мю' тюсь си"ми
писедевэхэ'?

Есер' панм' тю"у' нэда. Сомбов-
на сылаванда есер' мюня' ебцраха
хура' мюня џоб" џацекэдрев'
мале хэвы џамгэ"яхав юсида.
Сабця" помна сэвта хана"ма"
тэри лямбана". Сэвда мале хаця
сырџа", тикыт сабцяи" помна
тамна сабе пяныто' ни џадю".
Ненэй пыхыдада мале тания-
нарха, сабцьхат џобт' ма"лэвы.
Џэвада џарханда савовна мале
џади. Џопой сабцьхат ма"лавы
џамгэ тэри ледрерка. Ненэй не
сабе савовна манэ"тадась, тикар
лакри' тэри посякоңэ хая. Сэвда
сарды", џацекэрха џамгэ"я џоб"
сабцяңэ хэңгада.

Мал тэңга" нюдамдо' ханзер"
хомбавам' ненэй не хамеда-
да. Пыдо' џоб" ян' сабцьедо'
ма"ламбавы", тикахат нюдадо'
џадибермы". Мал тэңга" ненэй
ненэцяңгат яңгабцято' тарця
џэвы.

Тикавахад не сейда џули"
хая. Минханда тубкамда ня"ма,
џоб" џаябэй вэясавэй џамза'
ютерм' ня"ма, тэри ян' сюрэм-
ба хая. Тарем' сюрэмбаданда
џамгэ' ёльцяңгана мал тэңга'
тёрм' пуңад намда. Пыди' тарем'
ма"мононди":

– Тедахав' варени' џобт'
ма"ламбавэми' нюми' хада"-
махаданд ханяхарт сит нини'
џэдараңгу"! Мал тэңга" я' ниня

таниявахад хибяхарт теневабта
вэва, сит хадаңгуни'.

Тарць вади намда ёхоборта не
седакоця' ядан' пимямда тюкде-
хэя пырэлё нулъй". Тикы нерцю-
на хартимда вэясавэй џамзахана
масар"џада, тад тикахад палкан-
да син' тубкамта тинибте. Тарем'
пырэлё нунанда мал тэңгаха'
нянда тэвъяха'. Хасаваюм' ситя
ямбка"я есяхана матидеңгусь,
неюм' тарем' нянда ма:

– Нявэй", манэт", тюкор" харта
пыхыдамда хадавэданё! Сянхана
монзаңгада сидя ян' ервынё.
Манэт", пыда пуйвэта џарханта
вэяңэ хэвы. Тикан' хаехэми',
харта тамна' тяха' нив хаңгу".

Тикы вадити' пуд мал тэңгаха'
пырдари' сюрэмба хаяха'. Ёхо-
борта не пимямда сэла, тубкамда
ня"амхая нерняри' яда. Тарем'
џамгэ' ёльцяңгана мякандатэвы".
Мал тэңгаха' тэворо"мида серото'
сер' ваде"яда. Тикы' тальня'
мал тэңга хомбавы яңгосятвы.
Џопой џарка ненэця" сэв' ед'
сабцьранаха" тарем' манзеты":

– Сэвта ед' нёда" сабцяр"!
Мал тэңга ненэцие" вэтма сабць'
нюдара" џадимда. Тарця џамгэ я'
тир' ниня ядэрпато' вэва.

Ти', та валакада. Ханяңы"
џарка" ненэця" манзеты", мал
тэңга" џавнандо' таниявы". Тарць
манэ"сарта џока џэсетавы. Теда'
мань невхы ненэцяңгат намдвы
лахарёми, я' ва"аладм' падарт'
падхая, нянда" намдрав.





Татма: Лариса Айваседо таттамы

Ѓуп вив мѣ'ш мансданны'



Каймы пуң хусыкана Пюд дяханана ѓайта ассоциациѹ «Ямал-потомкам!» мансдям миндена председателѹ Андрей Игоревич Пяк тѣлаѹаш». Андрей Игоревич дѹ» пуң Пуровский районхана ѓайта телевиденихина специальный корреспондентѹ мансдаѹ. Пытгагосударственный муниципальный управлениѹ мансдям дет тоходкуш. Дѣдше чильный, вивѹтута», ватата нѣхѣта» нешаѹ. Нянанта дѣты общественный мансдямта нямна мунуѹамаш.

— **Андрей Игоревич, чуки похона шелтаванта» мансдѣта» ѹука»?**

— Шелтаванта» мансдена» ѹука ѓайты». Манѹ вихиняй, чѣтыдѹ общественный организациѹ мансда чѣпмы нешаѹкна, чики мансдямнѣшал ниѹа. Ѓыматана кѣвханай, шиѹий нятапѣта неша ней» тадымѣѹа». Кукитуѹ ватахана нятакошту», кукитуѹ — няѹна тошту», намыди» ѓайватам шелтапѣ шичина» нятамантуѹ мѣты. Чуки ноптухуна дилма пу» тахана ѹиндимты, тадым «Ямал-потомкам!» ассоциацин мансдям миндена нешиѹ шаѹкмян шелу»,

дѣты закону» чедимямата тада. Чѣтаѹ маня» ѹупди мансдям ништума» шелтапѹ», чуки дилхана таславта» шел» ѹука».

— **Ѓамыѹайватамшелтапѣта»? Тат'недѹняѹ кудка мансдям мѣтѹата»?**

— Дяна чѣд» нѣна» ѓамыди вататуѹ, таслаш дѹамнатуѹ шелтуѹ тадыѹѣп, няѹна «Ямал-потомкам!» тошту». Ассоциацихина мансданна» шичитуѹ няташту». Куки» шел», маня» тасламанана нямна ништуѹ ѓа», чикѣхѣна неша» нѣна» тапаташтуна». Няѹтуѹ манѹштума» кукаѹ кѣш тада. Дѹди» тахана мѣшточина» мансдена» камна ѓалдѹ ѓашкѣхѣна» мансданѹама». Ѓалдѹ ѓашки» дет тондѹота Молодѣжный советхана мѣна», мансдям дет тоходкота» ѓашки», школахана тоходкота» ѓашкиуди» — чупей ѹокна мѣмама» тада. Маня» Ѓѣдм' чѣд» нешаѹѣ» кадына» вивѹтута», пимшата», вататуѹ нѣхѣта» нѣна» шанкмяѹ мансдяхана» тадымѣнѹа», чикѣхѣна хома ѓайты.

— **Молодѣжный советхана мѣна» ѓалдѹѓашки», ассоциациѹ**

правленихина мѣна», пимши? Шичита» няташту»?

— Тат'недѹняѹ ассоциациѹ правленихина мѣна» нѣна» няш ѹокна мансданѹама». Пуѹ ѹѣйвахана ѓай ѹопт ѹомтѹама». Мансдямна дет ѓайта вачина» тасданѹама». Правленихина ѓалдѹ ѓашки» тадымѣ», куптаѹ ассоциацин нятапѣ мансданна» неша». Чики нѣна» шичина» няташту». Звонийнаѹал, мантѹан тадыша ѓайватама тады, нятакомада» тада», тайня пытоѹ чики минхантуѹ шичина» нятамантуѹ мѣты тошту». Пуѹ хусыкана волонтерѹ» нятапѣш ѓайваѹамаш». Маскировочный шентми» паѹкалпѣ», СВОхана мѣна» нѣна» мячисѣт ѹомтапѣ» нятакумаш». Чики мансдяманя» хиталан. Чикиѹ камна, тоходкота» ѓашки» куше дилимам манымана» мѣты, школаха» кѣштонѹама».

— **Нѣшади» дилишат калват» та'амна дѹтыдѹаѹан, таньняна ѓайта первичный отделенита» куше мансдамам манѹмант мѣт?**

— Нѣшади» дилишат калват» та'амна ѹупчики дѹтыдѹаѹат.

Няматадакудма дѹди» ѓаймяѹ дѣдѹшкана кѣнѹама». Таньняна мансданна» няханана» мунутаѹама», куше мансдямтуѹ миндемамтуѹ намтнаѹама».

— **Ѓѣдм' чѣд» нешади» дет ѓайта управленихина, нешади» дет тондѹота Советхана мѣна» няханата» ѹупчики мансдаѹата? Пыт вихинянт таньше ѹокна мансдама тадана, хома шел?**

— Ѓѣдм' чѣд» нешади» дет ѓайта управленихина, нешади» дет тондѹота Советхана мѣна» нѣна» няѹ ѹупчики ѹокна мансданѹама». Ѓамыди мероприятия» шелтапѣ пон шичина няташту». Маня» ѹуп шел шелтапѣтѹама» — дяна чѣд» нѣна» нятапѣтѹама».

— **Пюд дяханана дилина» неша няхана» ѓамы ватам мѣман ха'ѹан?**

— Пюд дяханана дилина» няхана» маман ха'ѹат: маня» ассоциацина «Ямал-потомкам!» ѹюньши пон нѣшту. Ѓамыди ватанта, тасламан ха'тада шелта тадыѹѣп, няѹна тоштута», маня» шичита» нятанаѹама».

Лариса Айваседо патмы

Дѣты хома шел»

Нѣшаѹ дилхана хыды пуѹ пѣдыл вѣс манде матаѹама». Чуки ноптухуна лусаѹ патадмана дилиѹама». Тадым хив дѣдѹня дѣты пон каамдѹана».

Чуки похона выѹкна, пѣтадахана дилина» нешади» дил дет тондѹота» дѣты хома шел» ѹычимты». Выѹкна мансданна» нешаѹк ѓамы тадамам, Хадѹкалтыхит мѣна» велвы» недышут нешади» ѹысымана дѹтѣдѹш намтѹатонѹш. Таѹичохоно шеѣв муниципальный округхана» выѹкна дилина» нешаѹкат кашем'дѣнал ѹок вачи» ѹомтаѹаш».

Чуки похона манѣде Ямалхана-на калитани» дѣэмня дѣты нятакома шел» ѹычимы». Калитани» нямадпѣта» кади» — мыт'та, пыды, нику мил вѣш» ѹоктандѹатуѹ. Чуки похот тадыша кады»

ѹуп килограммтуѹ мил дѹдкат ват'а нѣхалдѹо» мат' вѣша» ѓайты. Нѣпоѹ дѹдкат ват'а шичадѹо» вѣшамана нямадпитонѹш.

Чикиѹ камна калитанаха» мичилпѣчитуѹ мини-ѣлектростанцитуѹ мил вѣш» ѹоктаны». Недѹчѣѣй шитчѣт'дѹѹкня дѣнал вѣшаш, чѣтаѹ тадыша вѣштоѹ нѣхалдѹо» дѣнал ѹокѹѣ кѣйны». Выѹкна мансданна» неша» ГСМтатуѹ мѣвштатуѹ няпадпѣмытуѹ вѣштуѹ ѹупчики ѹоктандѹатуѹ.

Чуки похот шичадѹѹкня дѣнал вѣшаѹ таслайтонѹш. Калитана» пон викня, ѹанум мѣш мансдашту». Тадым спасательный панѹтатуѹ тѣмтамантуѹ мѣт нѣхал дѣнал вѣшам нѣамны». Выѹкна, пѣтадахана дилина» нешаѹкна таньше нятакома хома шел.

Андрей Пяк патмы



Татма: Андрей Пяк таттамы

Хаби вэсако' нюдя ню

(Нердена пелямда
2 номеркана толара")

Ненэся жо" няби нудадa мальсей", няби нэда мальсей".

Вэсако' ма:

— Симзы' хэвхана мирць мэ"мыни пянгарни" се' тая. Саваюм' нудакананд тикым' пюд"! Хасава нэцекы саваюм' нудамда нэдта. Ненэся жо", таяна пянгар таявы. Ня"мада, вэсако' миңада.

Тад хонэйд". Пи' сава ерня сэвсада вэсако' пянгарм' ня"ма, тадхав хасава нэцекэнда мальсей" нэм', мальсей" нудам' хархана ерңахаюда. Вэида нэмгэхэрт янгу". Хасава нэцекэр хонё"мяханда хуны.

Хуняна немада хая. Хасава нэцекы нудамда вэнңада — нудадa нэңэдя. Мальсей" нэда нани' сумы. Вэсако тарем' сертанакэда. Теда' нэда сава нэ" нив", нудадa сава нэ" нив". Пивня ядэлы".

Тад тикахад сеней еся инявна ха"моры нэмза суса. Нэмзададо' нули" ни ха"мор".

Сэвсада вэсако' ма:

— Нэрей", мэди ха"молана нюкця"еми хангуланакы". Тедахав' мэдва" тован' ни харва".

Норци" хонэйд". Хасава нэцекэр ириюта хона"махад янамбоковна юркы". Макода' сивня, еся симзы"явна нув' ня" танэй". Нумгана маниеда: нобха" илхы не сэдоравы, вав' ниня хангурта хасава юсидавы.

Хасавар нэвамда ила, ма:

— Нэрей", маяндорта ненэциекон нэвэнаню". Мань нани' хабцям' нэлаюв", ныхыми юнгодакы. Мань си"ни то"олахам' сумдахавабат нё' някуй сэдорана не нэцекым', папами, неданд татав. Нод" мань си"ми сумда"! Не нэцекы едм' пиренакы. Пыда нани' те"эмкоцямда екада, не нэцекэн' миңада, ма:

— Тюкор ну' тяха' нянд нэва' ед' сырад! Маси" савумданаки.

Тад хасава, нэцекы таси ха"мы". Иринда мят тэвы". Ириюда хуныхы'. Пыда жо" хонэй".

Хуняна ириюда юркъяха', маңаха':

— Хасава нэцекы, юркадэй"! Мэдва" то!

Тад сылы" нани', ямб хыдя' мюня едэй пиревы нэмза нэвы. Яля' ямбан' няхар" нортакэду'. Пухуцяхавахаюда пилипон' нэхат тарем' ниди' писидасетыди'. Нябир манта:

— Хасава сит хамзасеты?



Нябир манта:

— Не сит хамзасеты?

Тад писяңэ нэдартангуди':

— Ха-ха-ха!

Нэво" пиркана хасава нэцекэр хонрада:

— Ирикэ", илеванди' ямбан' сэвсиди'?

— Юнго, нэвнахавани' сэвтанинзэ. Теда' сэвни', екар", ханя' хэвы нэбту'?

Пэвсюмя' няна норць ёльце"махадандо' хонэйд". Вэсакохо' нэсалё хуныхы'. Сэвди' вуни" тая". Хасава нэцекэр юркы", ириюта тюмю' есям' хэвнякумна насартада. Тикана я' си нэвы. Я' си' мюмня пакаль".

Сянат хунат мимбата нод" пэвдя яхана тасинананда хунананда ненэй ян' ха"мы". Неранда някуй няхар" я мя" нэвы. Ерый мяд' нём' пехэдта, тад манэ"ңада: сихиртя ервь"я нэмдэвы. Вэсакохо' пухуцяха' сэв" си' няна еся хыдя' мюня ненэйңэ хаеры".

Хасава нэцекы ма:

— Сихиртя ервь"яе", ириюни' хадаюни' сэв нэмгэ талесяд?

Сихиртя ерв ма:

— Нэдьбяни талейнась, тедахав' мань яханани хэхэми янгу, хэхэдани мэс" нинув". Хэхэңэ тара' мань яханани.

Хасава нэцекы санэй", тет сэвм' ня"мыда, мата мю' паклейда, ма:

— Тад нерня' нён талэр"! Тикар вэва сер"! Хасава нэцекэр ириюта тюмю' сивня нэдимя. Тюмю есям' нэбта. Иринда сэвха' иринда хонёдан' нэманда тебдеңаюда. Хаданда сэвха' нэманда тебдеңаюда. Тад хонэй".

Хуняна вэсакохо' пухуцяха' юркъяха'. Пухуця мамононда:

— Вэсаков, сэвдани нэдимыню"! Пин' вэламъюваць, хаеракода тарси" саваню"! — Пухуцёв, мань ненэся сэвдани нэдимы!

Тад вэсако пухуцяханда манэма:

— Пухуця, тюку хасава нэцекэми са"лако нирханю" нэ". Ханзер' сита мядимялабтаб" нани' сава нэдакы?

Пухуцяда ма:

— Недамда микани', тэдамда микани'!

(Пелямда нэдиманда газетахана толаира")

«Ненецкий фольклор» толаңгобць' мюд ханавы. Таймыр' тер, Яр Василий Дмитриевич' ваде"мы, нэданда К.И. Лабанаускас' падвы

Лимбья' иры

Яля' падаркана лимбья' иры пэй".
Хаерта' сэв мале тью"уна хая, яля'
сэвм' манэсо"махадана" маймбива".
Янамбовна нарэй нувона" тальня'
миҗа".

Выҗгана теҗьбата җод" ненэҗя" индо'
җыламна маймби". Тадри' ненэҗяри
хаерна" сэв тью"ури' пяҗгуда, яля' иня
лимбикавна пайды ни' ха"морта, яляда
ямбуворта. Мюсерта" ненэҗя" тика-
хад несэй иландо' пэнараха җэҗгу. Та'
ёльцяҗгана пыдо' нито' мядо"мана,
җыхы" я"амна җэдалёрць пиртадо'. Тикы
хусувэй яляр" сынакова' ялэ хахаялтем-

би. Ненэҗя" тикыдо' җули" җатейдо'.
Та' мальҗгана пыдо' я' тяхамбавы нидо'
манэ"та".
Тюку" тодо" яха"на сертавы" сидяҗт". Я'
ханярина та' мальҗгана лимбья' иры' еркан-
да тэвыць. Хаер" тюр' мал' пирувна тью"уна
хаясь. Сенаҗяда яхананда – сенаҗись, теҗь-
вахананда – теҗись. Тарем' җод" пихиня
мэна" тэри җопой яхана нисеты ну". Хусу-
вэй хибяри җамгэхэв сертавандада таясь.
Тадҗо" мюсерта" ненэй ненэҗиена" иламдо'
җамгэхэрт теҗяда нида табламбю".
Маня" җод" сенз" нерняҗы" ялэна" няю'
җани' маймбахава".



Марина Яр' падвы



Сидяҗт": Марина Яррой' тадгавы"

Хобцоко" ↩

Таслара", хурка
вада" сюры"?



Татьяна Сэротэтто' сертавы"

Газета «Няръяна Нгэрм»	Главный редактор Яр Марина Тэтакучевна	И. О. ГЕНЕРАЛЬНОГО ДИРЕКТОРА АНО «Ямал-Медиа» Татьяна Ивановна Каврук	№ 3 Подписано в печать 15.01.2026 г. Вышла в свет 17.01.2026 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д. 9, каб. 708).			Тираж 3600 экз. Заказ № 7 тз (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунянца, д. 1, каб. 106	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	Адрес редакции: 629003, ЯНАО, г.Салехард, мкр. Богдана Кнунянца, д. 1, каб. 106 тел. +7 (349 22) 4-53-32 E-mail: nn@yamal-media.ru